

鄒平縣志卷十四

宦蹟攷

召棠鄒雨奕世謳思宦去而蹟留也舊志官師無列傳然雪中鴻爪時印平沙一字之留遺亦可想見其梗概新志於職官旣列爲表乃採摭舊志增以近時聞見之確者作宦蹟攷

晉

何機陽夏人太傅曾之孫爲鄒平令性矜傲

晉書何曾傳

魏

鄭平城滎陽開封人安東將軍羲之兄子爲東平原

鄒平縣志

卷十四

宦蹟攷

太守清狂使酒爲政貪殘

魏書

房士達清河繹幕人武泰初就家拜平原太守抑挫

豪強境內肅然

魏書

羅道珍襄陽人爲東平原相有政聲

魏書

唐

劉敬和德宗時嘗歷鄒平淄川長山三縣令後徙高苑每遇饑年輒開倉賑濟就食者皆活之民歌曰高苑之樹枯復榮淄川之水渾復清長白之山草復青鄒平之民仆復行

山東通志

後唐

顏衍字祖德兗州曲阜人天成中爲鄒平令苻習初
鎮天平以書告屬邑母聚歛爲獻賀衍未領旨以故
規行之爲吏所訟習遽召衍答之旣而悔焉表爲觀
察推官長興初召拜太常博士習力奏留之官至工
部尙書

宋書

元

孫福鄒平人元初授本縣縣丞居官三十年人民畏
愛

舊志

完顏從善蒙古人武宗時爲鄒平縣尹長於折獄民
稱無冤

山東通志

鄒平縣志

卷十四

宦蹟攷

二

翰林直學士明善完顏去思碑齊處士張臨先生
與余不相聞者數年忽走書京師曰縣長完顏枚
考七八十年無今大夫賢滿旣代去民思之不忍
忘聞太史氏元君篤古文辭可信後人又嘗與大
夫同爲丞相東曹掾請爲狀刻之石憶昔余同丞
相府時固知其爲樂易君子也出而爲縣亦逆知
其善於所蒞也然而爲令甚難仁明者柔闇弱者
愐廉者傷於刻剛者淪於殘以墨去者又所不論
也余每通天下而論善不孚於人民不恭其上旣
去而使人不忘者蓋亦鮮矣鄒平令何道而得民

若是邪嘗試徵其實焉曰剛以勵氣廉以養分威而能和嚴而有恩精於綜覈纖微致察果於裁割糾結必解其始至也文書填委連逮者日哄階下下車不旬浹而事皆決白圜扉夜啟坐獄於庭開譬百至往往悔其所訟請退自新而敬禮賢逸崇尚儒學務革素習導民趨義一年而小治三年而不變庭無傲吏邑無冤人無田不治民日加富寇盜不興賊殺屏息移鞠他縣亦稱平允恪恭朝夕以至受代老少一口頌之曰賢哉大夫令姓完顏名從善字擇卿女直人至大四年任今家於燕

舊志

鄒平縣志

卷十四

宦蹟攷

三

陳埜仙至正中鄒平縣尹興學禮賢不尙苛猛創立縣城祀名宦祠

舊志

埜仙字彥武歷城人至元間

後至元

爲鄒平尹勤心

撫字役均事集境內大治以憂去民詣闕留之上允其請特授奉訓大夫又按陳埜仙歷仕不可考明史蔡太祖紀云元至正十五年春正月太祖定計取和州元兵十萬攻和民兵元帥陳埜仙分屯新塘高望鷄籠山以絕餉道太祖率衆擊破之六月趨太平陳埜仙與其將康茂才以數萬衆逼城下太祖遣徐達鄧愈湯和逆戰別將潛出其後

夾擊之擒埜仙降其衆九月埜仙叛抵溧陽爲民
兵所殺云以時事攷之當卽歷下之陳埜仙太
祖實錄載其事尤詳且力詆埜仙詭譎要其忠於
爲元不可沒也併錄以俟攷歷城志

明

張椿南直寧陵人洪武間知鄒平縣創立廟學修建
公署興舉廢墜政尙寬平民懷其惠山東通志

李昉昌黎舉人正統年任

顧瑄潞州監生景泰年任

李儒陝西涇陽人天順間知鄒平縣廉正公平勤於

鄒平縣志

卷十四

宦蹟攷

四

撫字以與鄒志

山東通志

椿儒昉瑄皆有治行

舊志

馬宛斯曰自洪武迄宣德垂七十年爲令者多矣
旣不取其政蹟因并沒其姓名逮至百年惟四公
之稱甚矣舊志之疎也

李興河南嵩縣人成化間知鄒平縣蒞政嚴明持身
廉靜攷蹟爲州縣官第一山東通志

教諭王佐李尹祠碑記嘗讀楊子法言或問爲政
有幾曰思斂輒掩卷歎曰甚矣爲政之可懼也善
惡存諸已思斂由諸人善則人思之惡則人苦之

此理勢之必然者也烏足怪哉鄒平尹李公是年春被徵補風憲闔邑耆老過予曰吾邑賢大夫如完顏公去之日民爲立碑迄今三百年無不歎興今大夫李公以名進士來尹茲邑甫三禩百務一新父母我衣食我而教育我凡所利聚無弗至者百里之內居安行息惡避善懷雖鄰封接壤之民亦皆仰休風歆芳譽焉茲以徵去民懷之不啻赤子之慕慈母也請爲文以誌之予惟天下事可以德致不可以力屈者人心耳非處之得宜服之有道能乎公之治民凡貧無告者思以生之逋復業

鄒平縣志

卷十四

宦蹟攷

五

者思以緩之強梗弗順者思以化之與夫學校人才壇壝公宇之類靡弗修舉其爲民若是其切宜民之思公亦若是其切也慕之不已欲肖以像而爲祠以銘諸石是豈刑驅力要也邪蓋此以心感彼以心應天理民彝萬古一日視彼以墨去以虐斥者不大有徑庭乎孰謂人心思也不由善政之所感歟也不由惡政之所基哉是爲記公李姓名興字伯起河南嵩縣人乙未進士成化十五年任

舊志

劉鑑河南羅山人成化間知鄒平縣政尙平易時有

蝗食稼狼噬人鎰禱於神患皆息

山東通志

大學士費宏劉尹祠碑記劉侯以成化甲午來知鄒平既六年以內艱去去之日民奔走徬徨悲侯之去失其所恃也其父老之賢者徘徊沙河之潁喟然而歌曰洋洋兮河流警而遊兮不復留侯之借兮無由曷以慰兮無憂於是瞰河立祠肖像而祀之儼若侯之蒞於其上也侯去以己亥其後改知南宮擢守六安既老而歿幾三十年而祀事之嚴如其始去會御史金君至謂是役有關風化不可無文以永其傳乃遣使走京師請予與侯之子

鄒平縣志

卷十四

宦蹟攷

六

御史淮爲同年進士聞侯之賢舊矣復獲觀少師晦菴劉公所爲侯墓表固悉侯行已居官之實蓋侯所至視民如子其愛出於至誠持已雖嚴然不尙威猛興學勸農如有弗及歲禮賑貸全活者衆時有蝗災狼禍侯禱之輒息是在祭法所謂禦災捍患有功德於民者其食報也宜矣昔朱邑且死囑其子葬之桐鄉以爲後世子孫之奉我也不如桐鄉之民而其民果爲立祠史稱邑廉平不苛以愛利爲行則其真德實意固有結於民心而不可解者侯之至誠仁愛猶邑也而其效至於感通神

明息飛蝗而遠猛獸則其所以子惠之思之深而報之厚俎豆尸祝日篤不忘此蓋自然之理何足怪哉侯諱鑑字仲玉號澹齋河南羅山人以明經首鄉解在南宮六安皆有惠政立祠漢史所謂凜凜庶幾德讓之君子也宏治乙丑十月旣望記舊志
周宏歸德舉人年缺任鄒平教諭德行可法聘陝西同考官舊志

舊志鄭瓘蘭谿進士宏治年知縣事立心正直處事嚴明

舊志秦環祥符舉人宏治年知縣事勤於勸農工於修建

鄒平縣志

卷十四

宦蹟攷

七

舊志

薛瑞長洲進士正德年知縣事勤明廉決爲令稱首時畿輔盜起郡縣風靡瑞修戰具固城守賊連營數十里來攻自卯至晡飛矢如雨瑞號令嚴整賊乃宵遁以異政薦擢及行百姓遮道留之舊志

鍾錫澤州進士正德年知縣事清慎威明舊志

王瀛洲蒲州舉人正德年以本縣縣丞擢知縣事廉

謹寬平舊志

崔環葉縣監生正德年任鄒平縣丞勤於職業善於

孳牧舊志

遂佐薊州監生正德年任鄒平縣丞政尚寬平

舊志

郝榛綬德州舉人嘉靖年知縣事張松曰郝侯明不盡人之私惠不取人之愛威不致人之懼直不指人之耻

舊志

葉林武進舉人嘉靖年知縣事張松曰葉侯乘徐侯九疇極弊之後公愼匪懈刮汚剔蠹百廢俱舉果於用法人不敢干以私致不逞爭訟之習鄒平有志自侯始

舊志

隆文良霸州人嘉靖年知縣事遺愛不諼

舊志

吳俊順天進士嘉靖年知縣事樹怨

舊志

鄒平縣志

卷十四

官蹟攷

八

劉士達贊皇監生嘉靖中任鄒平縣丞歷仕有聲善於馬政修范文正公祠

舊志

高道

籍缺

嘉靖年任鄒平縣丞張松曰丞之足稱述

者也

舊志

陳文旃山陽監生嘉靖年任鄒平教諭規矩嚴肅善於訓迪

舊志

張肖深州監生嘉靖中任鄒平訓導老成善教

舊志

林恕金山衛監生嘉靖中任鄒平訓導少年力學辛

卯科山東鄉試中式

舊志

趙維卿栢鄉舉人隆慶年知縣事修官署均徭役除

民害 舊志

宋瑋慶都貢士隆慶年知縣事故老相傳當時賢尹 舊志

李瑞林縣舉人萬歷年知縣事創修石城清丈地畝公正仁明當時有神君之號 舊志

張書蒲圻進士萬歷中由給事中左遷鄒平知縣陶情詩酒尤善草書 舊志

許國忠宣城舉人萬歷年知縣事善書工詩 舊志

翁愈祥常熟人萬歷年知縣事張延登曰翁侯天性明恕寬平曉暢吏事在任僅八月諸所調劑次第行

鄒平縣志

卷十四

宦蹟攷

九

之法簡而因俗不爲一切慘礫而四境之內搖筆理矣時有開采之役中貴人四出有嚙益都令逮繫詔獄者海岱騷動宦官陳增尤橫當過吾邑民多竄避山谷侯曰第無恐吾悉聞輩易與耳乃遣使持一刺逆之境上至則與分庭抗禮佯爲交驩聞大悅反戒其奴曰此賢令萬勿有所科索鄰邑聞之皆自以爲不如 舊志

姚成立安邑進士萬歷年知縣事有文采尤工儷句

舊志

王紹徽三原進士萬歷年知縣事仕至吏部尙書張

延登曰侯在事之日民不知有稱頭之羨行戶之賠里甲之苦衙蠹之擾四民安居樂業蓋以慈爲政一本之真誠豈弟視利若染焉

舊志

按明史王紹徽載入閹黨傳東林點將錄卽紹徽爲魏闢作也而舊志褒之豈釋褐之初廉耻未喪實有德於鄒而晚節不終與不然何褒譏之相左邪

汪晉吉武昌舉人萬歷年知縣事有文采工儷句

舊志

王點魏縣進士萬歷年知縣事瀟灑風流仕至右僉

都御史

舊志

鄒平縣志

卷十四

宦蹟攷

十

魏克佳南陽舉人萬歷年知縣事歲大祲人相食乃捕盜惠民境內以安

舊志

按明史鄒平縣知縣魏克家有善政崇禎元年

死於難蓋去任之後而歿於曹州之變也

佳家一字

互異

蘇希轍安邑舉人天啟年知縣事以健墨聞

舊志

黃梈龍溪人天啟年任鄒平主簿博學有行長於古

文辭善書法著棲枳錄擢清遠衛經歷不赴而歸

舊志

金陞

失籍

舉人天啟中任鄒平教諭文雅訓士有體

舊志

楊汝楨涿州舉人崇禎中知縣事真率豪飲時叛兵自西而東鄰邑多陷侯登陴守禦既而寇不至當是孔有

德之變自德州赴青登萊時事

舊志

韓文煊涇陽舉人崇禎年知縣事戊寅十一月大兵至德州謀收濟南侯與士民分堞而守十二月二十三日有數騎至鄒平西門外殺人流矢中城屋角次日以五百騎至城西北角又至西南角皆發矢而去逼午大風甲士三百飛馳颺忽時以城頭固守負標而去立陷長山卽旋濟南而鄒平之城賴以全舊志楊可經鄒縣貢士崇禎年知縣事馬驢曰壬午之役

鄒平縣志

卷十四

宦蹟攷

十一

侯已陞青州同知未赴任聞變共紳士爲城守貢士張萬鍾請救於副將邱磊遣部將押住遼丁二十餘人來援十二月朔大兵至城下環窺發矢次日甲騎三千擁雲梯突至城堦飛矢雨集遼丁持刀當前生員劉璽韓之琦成端徵典史張恩鼓勇禦之以蘆席裹火藥焚梯火連城屋自焚三十餘人遼丁死其五生員成端徵與焉城外居民城內婦女持兵懷石咸來赴敵城克僅存而圍解矣是役死者三十六人傷者九十七人俱公貴優恤之其後當道欲奏褒鄉宦孫爌生員劉璽等守城功屬李自成陷京師事遂

馬驢曰楊令輕躁猥薄好自呪謫以濟貪溫飽之家攫金殆盡成晉徵曰壬午之役侯已陞青州海防廳時事急乃留爲城守與貢生張萬鍾修戰具簡丁卒嬰城固守號令嚴明及兵臨城下雲梯四布飛矢如雨自寅至午攻不少息一時城丁鼓勇奮不顧身死者三十六人傷者九十七人卒以力戰城得無恙然則侯之於鄒不可謂無捍禦之功矣雖居官狼籍功過或不相掩請以侯後之論斷者

景物志

鄒平縣志

卷十四

宦蹟攷

三

張恩臨潼人崇禎年任鄒平典史守城有功

舊志

王作賓義烏舉人政尙廉平崇禎甲申李自成陷京師侯聞變遁去賊黨王世傳來爲縣尹張爾奎曰賊多取豐順偉幹者授以僞官知縣爲尹印用小篆謂之契尹無兵衛輿從惟單騎偕二卒抵任陽言蠲租刑逼鄉紳漸及富戶謂之追餉鄒平尹王世傳汾陽人獨寬厚賊敗他邑皆以梟橫莫保首領而世傳猶得保其身回原籍去

舊志

程素期曰按沿革漢於濟南置鄒平梁鄒二縣高帝又置梁鄒侯國晉有梁鄒侯又有鄒平令鄒平

梁鄒原非一地劉宋置梁鄒戍僑立平原太守以
梁鄒爲治所轄則非鄒平一邑茲據舊志云漢溫
壽爲鄒平侯相此鄒平縣非侯國應誤又云晉崔
勲之爲梁鄒戍主劉宋始立戍晉何有此戍亦應
誤又云魏堯暄以中散大夫奉使檢平原鎮將又
元欣喻降齊州平原起兵流民又隋張須陁破長
白山王薄諸盜又來整討擊羣盜僅見長白山頭
一歌宋范諷通判淄州發鄒平官廩貸民計自堯
暄下諸人似不應誌於鄒平職官之列唐武德元
年置鄒州治臨濟以鄒平縣屬之張公謹爲鄒州

鄒平縣志

卷十四

宦蹟攷

三

別駕李士衡爲鄒州刺史亦不當入邑乘又李萬
安爲鄒平郡丞計時鄒平非郡尤誤蓋邑志猶夫
史也紀實而不紀妄凡此宜一筆抹之第云自宋
以上邑名與地屢見更遷無從稽正而已作者意
謂世非洪荒敢廢蒐羅不得不攔入諸事以飾觀
覽茲踵其意亦並存之惟有晉平原太守張某屯
柳泉慕容德檄來卽遣子降又宋某少帝時爲濟
南太守魏將擊青州某由梁鄒奔東陽斯二子者
一降一奔殊堪齒冷茲直抹去爲其藏拙

舊志

按程侯舊志劉宋置梁鄒戍僑立平原郡太守

以平原郡爲治所轄非鄒平一邑

云宋平原

郡領八縣一平原二平昌三高唐四安德五般六鬲七廣宗八茌平初無鄒平縣也又云據舊志漢溫壽爲鄒平侯相此鄒平縣非侯國應誤攷後漢書溫壽太原祈人父序爲荀宇所刼伏劍死光武以壽爲鄒平侯相史有明文雖功臣表中無此人然范氏後漢書本無表乃梁代劉昭所補又加攷具豈可以此而疑原史乎又曰晉崔勲之爲梁鄒戍主劉宋始立戍晉何有此戍亦應誤

云攷崔勲之本宋人見宋書文帝

鄒平縣志

卷十四

宦蹟攷

古

紀蕭思話傳其爲梁鄒戍乃劉宋時何云晉崔勲之邪又云晉平原太守張某屯柳泉慕容德檄來卽遣子降又宋某少帝時爲濟南太守魏將擊青州某由梁鄒奔東陽

云攷張豁爲平原太守乃晉安帝時是時漢平原郡未陷於魏而梁鄒之地猶未陷於宋此平原乃歷城西北之平原非梁鄒僑置之平原且其所屯之柳泉在益都境亦非治城南之柳泉莊事與鄒平無涉也又宋少帝時爲濟南太守者乃垣苗何云宋某少帝時爲濟南太守邪且據宋書魏將涉

歸幡能健等

魏書作叔孫建

兵向青州前後渡河凡六

萬騎垣苗率二郡文武由梁鄒赴東陽就青州

刺史竺夔合兵力戰固守東陽竺夔持重垣苗

有膽幹能堅守日久而城不陷檀道濟援兵至

圍始解

見宋書索虜傳魏書島夷劉裕傳

豈聞風而遁者邪程

侯乃云斯二子者一降一奔殊堪齒冷茲直抹

去爲其藏拙是何言與又云自宋以上邑名與

地屢見更遷無從稽正作者謂世非洪荒敢廢

蒐羅不得不攔入諸事以飾觀覽茲踵其意亦

並存之

云

夫古今史志並存一郡一邑之事

鄒平縣志

卷十四

宦蹟攷

五

皆確切著明殊非無從稽正且邑乘所以載一
邑之跡事無古今物無巨細皆備蒐羅乃謂嘉
靖順治間舊志攔入諸事以飾觀覽而踵其意
亦並存之皆不可也

國朝

馬紹遼東貢士順治二年知縣事爲政平恕

趙永祚汾陽進士順治四年知縣事時山東寇亂不

已連年淫雨壞城戊子秋侯分校東闡賊乘夜入城

焚掠會膠東更汎兵駐宿邑西關擊之賊遁去侯緣

是左遷是科邑士獲雋門四人今猶追念其崇文得士

之盛云

高寨海州衛貢士順治六年知縣事清廉安靜枕戈城頭八年不懈

徐政太倉舉人順治十四年知縣事增修邑志

董貺璽介休舉人康熙二年知縣事爲政平和

劉元慧真定進士康熙九年知縣事多惠政民思愛之

馬光劉尹遺愛碑記嘗讀漢唐以來循良傳有召杜其人者心竊識之媿余作史乃不能力追古人甚矣循良之難也若吾鄒賢侯劉公元慧治鄒九

鄒平縣志

卷十四

宦蹟攷

六

載多惠政其著成勞而膺簡命也豈不宜哉計下車之日抵康熙戊午凡九年民之戴德也深沐澤也从一旦擢去如失慈怙鄒人旣謳頌之又欲鏤刻之故屬文於余余按侯之治鄒也居心慈惠立法平允減差徭省追呼禁吏胥培學校恤行戶政通人和則築城垣建大堂修黌宮諸凡有利於民者無不悉心爲之殆九載如一日焉侯實子民故民亦親之如父母雖前有召杜何以加茲更足異者鄒瘠邑也地瘠則民貧前任茲土率以爲刁頑抗賦而嚴督之究竟民苦而官亦受累侯則洞悉

民情而代爲賠解計任內節年共賠過條銀五千餘兩遂使鄒之積欠一清此中省多少敲扑全多少身家其不至流亡逃斃者在官以爲五千緡而吾以爲陰功萬代也侯之恤鄒如此以至代庖於陵視篆陽邱亦以治鄒之治治之故章長二邑愛之戴之亦如鄒焉碑之所以合力而共舉也而侯之德心惠政被於三縣者不且千古爲昭哉因搦管而爲之記

成晉徵十賢尹評邑有令長百里所寄命也與民最親故爲治亦易昔之賢人君子類有辭禁從朝

鄒平縣志

卷十四

宦蹟攷

七

列不爲而願爲守牧者有以也鄒自置縣其前賢無攷自元以下有賢令見之傳志及耳目所睹記者如完顏君能導民趨義庭無傲吏邑無冤人元編修明善備述之矣明初張侯椿以中書掾知縣事修學建署百廢俱舉中州劉侯鑑政尙平易敦重儒術民立祠生祭之正德中廉介嚴明則李公興稱爲令第一郝侯榛乘威嚴之後端事撫字舊志謂明不盡人之私惠不取人之愛威不致人之懼直不指人之耻所謂古之君子非邪葉侯林作縣志公慎匪懈以才能稱隆侯文良視民如子以